



TOSHKENT DAVLAT YURIDIK UNIVERSITETI REKTORINING B U Y R U G ' I

2021-yil 29-iyul

08-189-son

Хизмат текшируви ўтказиш тўғрисида

Фукаро Махмуджонова Шахноза Миршакировна Ўзбекистон Республикаси Адлия вазирлигига мурожаат қилиб, Тошкент давлат юридик университети қошидаги академик лицей (кейинги ўринларда – академик лицей) битирувчиси бўлган фарзанди Маҳмаджонова Дурдона Ботир қизи академик лицейни “аъло” баҳоларга тамомлаганига қарамасдан, унга имтиёзли диплом берилмаганлигини баён қилган ҳамда диплом берилиш жараёнларидан норози бўлиб, академик лицей раҳбариятига нисбатан қонуний чора кўришни сўраган.

Ўзбекистон Республикаси Адлия вазирлигининг 2021 йил 9 июлдаги 2/4-3/5-4528-сон хатига асосан, ушбу мурожаат юзасидан Тошкент давлат юридик университетининг Узлуксиз таълим бошқармаси масъул ходимлари томонидан академик лицейда ўрганиш ўтказилган ҳамда ўрганиш натижалари юзасидан 2021 йил 23 июль куни 7-01/2385-5-02-сон хат билан Адлия вазирлигига маълумот киритилган.

Ўрганиш натижаларига кўра, академик лицейда тузилган Якуний давлат аттестацияси комиссияси 2021 йил 28 майдаги йиғилиш баёни билан 2020/2021 ўқув йилида 251 нафар ўқувчи академик лицейни битираётганлигини, ўқув режа ва дастурларнинг барча талабларини тўлиқ бажарган, Якуний давлат аттестациясидаги фанлар бўйича давлат имтиҳонларини топширган битирувчиларга диплом, диплом иловаси ва сертификат ўрнатилган тартибда берилиши тасдиқланган.

Ўрта махсус, касб-ҳунар таълими муассасаларида якуний давлат аттестациясини ўтказиш тартиби тўғрисидаги низомнинг (2009 йил 6 октябрь, рўйхат рақами 2011) 27-бандига мувофиқ, ўқув режасида назарда тутилган фанлардан якуний баҳоларининг камида 86 фоизи “аъло” ва қолган фанлардан “яхши” бўлган, якуний аттестация синовларидан “аъло” баҳолар олган, намунали хулққа эга бўлган ҳамда жамоат ишларида фаол иштирок

этган ўқувчиларга имтиёзли диплом берилиши белгиланган бўлсада, академик лицейнинг ўқув режасида назарда тутилган фанлардан битирувчи Д.Маҳмаджонованинг якуний баҳолари 100 фоиз “аъло” бўлганлиги, шунингдек якуний аттестация синовларидан ҳам “аъло” баҳолар билан ўтган ва имтиёзли диплом олишга давогар бўлсада, у имтиёзли диплом олишга тавсия этилганлар рўйхатига киритилмаганлиги аниқланган.

Бундан ташқари, мурожаатда келтирилган академик лицейнинг яна бир битирувчиси М.Қудратованинг ўзлаштириш кўрсаткичи ўрганилганда, унинг ҳам ўқув режасида назарда тутилган фанлардан якуний баҳолари 100 фоиз “аъло” бўлганлиги, якуний давлат аттестация синовларидан ҳам “аъло” баҳолар билан ўтганлиги ва имтиёзли диплом берилганлиги тасдиқланган.

Шу муносабат билан Ўзбекистон Республикаси адлия вазирининг 2020 йил 24 февралдаги 43-ум-сон буйруғи билан тасдиқланган Ўзбекистон Республикаси адлия органлари ва муассасалари ходимларининг одоб-ахлоқ қоидалари, 2020 йил 24 февралдаги 43-ум-сон буйруғи билан тасдиқланган Ўзбекистон Республикаси Адлия вазирлигининг коррупцияга қарши курашиш сиёсати, 2020 йил 24 мартдаги 68-ум-сон буйруғи билан тасдиқланган Адлия органлари ва муассасаларида HR-менежмент тизими тўғрисидаги низомга мувофиқ, шунингдек, Ўзбекистон Республикаси Адлия вазирлигининг 2021 йил 26 июлдаги 2/4-3/5-4528/1-сон хати ижросини таъминлаш мақсадида,

Б У Ю Р А М А Н:

1. Фуқаро Махмуджонова Шахноза Миршакировнанинг Ўзбекистон Республикаси Адлия вазирлигига қилган мурожаатида кўрсатилган важларни текшириш, академик лицей мансабдор шахсларининг хатти-ҳаракатларига ҳуқуқий баҳо бериш ва зарур чораларни кўриш бўйича хизмат текшируви тайинлансин.

2. Хизмат текширувини ўтказиш бўйича қуйидаги таркибда комиссия тузилсин:

Д.Махкамов	– Мониторинг ва ташкилий - назорат бошқармаси бошлиғи, комиссия раиси;
А.Матмуротов	– Кадрлар бўлими бошлиғи;
С.Нурбердиев	– коррупциянинг олдини олиш ва “комплаенс-назорат” бўйича бош мутахассис;
А.Тошпулатов	– Ўқув-услубий бошқарма бошлиғи;
Д.Алибоев	– Юридик бюро юрисконсульти;

- Ж.Ахмедов** – Талабаларга хизмат кўрсатиш маркази услубчиси;
- Д.Алимов** – Узлуксиз таълим бошқармаси бошлиғи ўринбосари – Ўқув жараёнини ташкил этиш бўлими бошлиғи, комиссия котиби.

3. Хизмат текшируви ўтказиш жараёнида комиссия қуйидагиларни аниқласин:

академик лицейда якуний давлат аттестациясини ўтказиш ҳамда битирувчиларга дипломларни расмийлаштиришда Ўрта махсус, касб-хунар таълими муассасаларида якуний давлат аттестациясини ўтказиш тартиби тўғрисидаги низом (2009 йил 6 октябрь, рўйхат рақами 2011) талабларига риоя этилиш ҳолатини;

якуний давлат аттестациясини ўтказиш ҳамда битирувчиларга дипломларни расмийлаштиришга масъул бўлган мансабдор ва бошқа шахсларнинг хатти-ҳаракатларида коррупциявий омиллар, манфаатлар тўқнашуви, мансаб ваколатларини суиистеъмол қилиш ҳолатлари мавжуд ёки мавжуд эмаслигини;

академик лицей мансабдор шахслари томонидан ножўя хатти-ҳаракатлар содир этилган бўлса, уни содир этишга алоқадор бўлган ходим ва шахслар тўғрисидаги маълумотларни;

ножўя хатти-ҳаракатнинг ходим мансаб мажбуриятлари билан сабабий боғлиқлигини.

4. Комиссия (Д.Махкамов):

икки кун муддатда хизмат текшируви натижалари бўйича Тошкент давлат юридик университети ректори вазифасини вақтинча бажарувчига ахборот тақдим этиб, айбдор ходимларнинг интизомий ва бошқа жавобгарлиги юзасидан тақлиф киритсин;

беш кун муддатда академик лицей ходимлари ўртасида тушунтириш ишларини олиб бориш, аниқланган ҳолатларни белгиланган тартибда бартараф қилиш ва келгусида ходимлар томонидан ножўя хатти-ҳаракатларнинг содир этилишини олдини олиш бўйича чоралар ҳақида тақлифлар ишлаб чиқсин;

хизмат текшируви натижаси бўйича тўпланган ҳужжатларни илова қилган ҳолда Адлия вазирлигига **2021 йил 30 июлга** қадар ёзма ахборот тақдим қилсин.

5. Ушбу буйруқ бажарилишини назорат қилишни ўз зиммамда қолдираман.

Ректор в.в.б.



И.Рустамбеков